



春水遺稿詩

16
196
1



門人
蹄 196
卷 1



刻春水遺稿序

賴先生千秋在浪華余行次其近里聞其為詩人而造其居則一見如舊談次出示近著遊記叙事明暢迥別時調乃知先生非尋常詩人也爾後交寢深歸省藝州往來每過余因聽其持論辨學統排異說正正堂堂誘余不少乃知先生非尋常文人也及解褐其國接僚友導子弟嚴溫並施其伴讀世子建白啓沃無所依違乃知先生非尋常經生也要之今時難得之人爾余之初見時先生年二十八余則少二年先生易簪年七十一中間凡五十年矣居相距三日



春水遺稿序
程一月不得信輒必相問安否有如舊婚媾時尋雜
黍頻接鴈鯉今而思之宛乎如在目前焉今茲癸未
令弟千祺令子子成將梓其遺詩及文徵序於余余
不嫻於文然於交誼弗可辭也略舉所見以塞其責
至若其善書札名高海內於其事業才識蓋一塵而
已因不復贅云嗚呼其學殖抱負概見於詩文則視
而知之者多矣若夫所未及言與言之所不可盡深
知其溫奧者果誰居臨書慨然久之
文政癸未春三月備後管晉帥禮卿謹撰

春水遺稿序

春水遺稿後序

子成既校其先君春水先生遺稿將刊而傳於世余
請而閱之歎美子成之善紹述先業也人或嘲子成
不肯襲先生儒職浪遊客土是先生忠孝之道訓導
之功行於國人而不行於子也則其文為空言矣嗚
呼是子成之冤而波及先生也夫子成善病不任仕
宦如韓子所謂抑而為之必發狂疾上失所以報恩
下喪所以為心者先生為以廢疾聞請易其嗣使子
成無羈絆之患子成已得其所而能自樹立雖不襲
父職而至父之所業則承繼濟美天下莫不知焉所

謂知子莫若父有是父有是子也若以出處異於父而輒歸罪於悖倫則是逸民無君子也可乎乃妒其才者或目以不韙而欲并累先生之文行甚矣小人之不成人之美也子成在備主茶翁其來上國也因余先人皆隨父執周旋先生在世莫歲不歸覲居喪三年不入寢不近酒肉數迎母氏探勝承歡不問有以每獲美酒珍羞必先附驛饋獻然後食其餘雖未始入仕隱居之後諸藩禮聘皆卻不應每逢吉日必改服西向再拜其意豈一日忘父母之邦哉凡如此類其操行風誼弼等所以平日相觀而善而先生遺

訓卓然有效可以見焉爾吾觀集中文大半關係忠孝倫理者誠於中發乎外能使讀者興起焉況於其子乎吾益知子成風節有所自也豈謂之空言哉弼於先生辱累世之好備知其始終不容以不一言乃書所見授子成門人使并刻集後至其文詞工拙瑕瑜如何則不必言也

文政丁亥冬月通家後生浪華筱崎弼承弼謹撰

文好而交多民數寡於主氣華於融既承既驚
儉誠而傾不山言也
書徵具於子如門人對其後錄於至其文精工壯
於其坐氣累世文致韻味其欲然不似以不一
如未吾益味子如風雨本自山豈謂不至言於
幸餘野音矯然中變乎於其對語香與或書凡於其
隨卓然自效可以長壽爾吾贈書中文大半關於

附言於其初思不風於檢長傾於子文世以於
家伯春水遺稿將上梓任襄校訂既畢猶咨謀及余
余謂凡校書鏤板不可不精覈也余衰憊日甚職事
未解雖欲加之磨礪而不可得也然於他人著述猶
且思其無疎漏況於至親之業遺諸後世者敢不黽
勉雖然余有所見嘗試言之我伯子資性聰敏毫無
澁滯故其作文字亦未嘗苦思壯歲在津入混沌社
社主片北海以下一時名流賦詩屬文皆勉為腹稿
展紙秉筆數十百言不復多加改竄伯子已為性之
所近而習之熟矣見彼宴集之際著稿縱橫塗抹者

輒靳哂焉是以每花晨月夕携子弟爲宴集微醺善
睡及其覺也瞑目而坐一吟成章呼筆即書當其燕
居無事從容屬辭亦復不必著稿蓋詩叙所思也文
亦然也伯子之於詩文其思君思國思父母思朋友
子弟思山水風月花木蟲魚其所思滿於胸臆觸物
而發遭事而露故語之重複事之陳熟皆不遑顧避
也視諸余輩千辛萬苦鍛成篇什者其高卑利鈍之
不同奚啻霄壤然不知者或曰苦思之餘僅得此等
耳管禮卿嘗曰千秋之作詩不思而得者也余謂不
思而叙其所思不屑修飾是則伯子之所以爲伯子

故今不敢加細議粗就原稿載錄之而已世知伯子
如禮卿者鮮矣故附此言將以告不知者也壬午季
冬弟惟柔敬識

養君德不止授講誦也嘗上書言輔導之要公覽書
方夜召君世子與傳皆在焉公呼君前曰所陳可謂
盡善嗣後宜以此從事世子已冠學益進博覽群書
而其業一依君指導伴讀凡十一年藩制東役歲受
代君拔例多在東公老世子襲封然後東觀往來必
扈至甲子冬告疾乃已藩邸之叔學舍自君發之其
規制如府學至是作學統論其略曰或謂聖學之大
不可局一學譬若武事弓馬劍槍數家並行何為不
可曰武事固數家及整旅行師其帥一而已然後弓
馬劍槍可各奏功苟有數將帥一金一鼓一前一卻

則一敗塗地耳豈能行師哉若夫理民理兵水利筭
數詞章訓詁各有所長是弓馬劍槍也程朱之學本
於人倫本末兼該傳之無弊而為學之統是將帥也
安得比而同之耶此吾公之所以崇程朱而斥異學
誠使教者體之學者奉之則一道德同風俗者將於
是乎在焉蓋後此莫敢議更制云初仕俸三十口累
增至三百石初班近臣累進至比徒軍將領素以方
正見憚有一弄臣常戲調諸臣公曰逢賴某亦能如
此耶宴見則呼以先生弗名自癸酉冬得疾中使屢
存問遂不起年七十一實文化丙子二月十九日也

葬于城東南安養院君性格峻整雖妻子未嘗見其
有惰容而恩義自能結於人若藩邸教下小臣藤田
雄佐年七十五聞君疾因請急走二千里來侍湯藥
助羹飲是也君最重喪祭及疾篤先考忌日猶易服
端坐以竟祭君有二弟長惟強字千齡次惟柔字千
祺千祺後君登仕五年亦擢爲儒員千齡隱於醫考
志也兄弟自相爲師友親愛篤至當栗山二洲諸博
士彙征唱業於上游而君與竹山拙齋諸子聲氣相
應世人稍知向正學庚申秋在東奉 賜物壬戌東役亦如
大府之命說書昌平學及還

之君詩典質雅馴晚益嗜之良辰美景命酒闌韻或
杖策出遊必有篇咏其書弱冠學趙陶齋既而益工
自立一家余嘗答韓客問我邦人書法稱君爲當今
第一自信非過許也君別號在阪曰春水在江戶曰
霞崖其自警者曰拙巢曰和亭著有師友志在津紀
事負劍錄其他數種所輯亦數種皆藏于家配飯岡
氏生三男一女長男襄以疾廢二男亦夭養千齡之
子元鼎爲子亦先沒有遺腹子猶孩襄之子元協以
適孫承祖女適藩士進藤彦助君沒之明年其子弟
合辭寄狀來乞銘墓君之交游賢豪滿天下此非不

文若余者所敢任然余昔聽瑩餘姚游京阪時與諸
子論學不合久之得舍邪趨正亦諸子之賜也君諸
子之一而其契最舊義不得辭銘曰
華國以文罕殺其實養正展效有澤洋溢循規蹈
矩妙及詞筆衆言靡爽稱贊難匹舉大略細視我
銘述

文化丁丑二月征夷府博士肥前古賀樸撰

春水遺稿目錄

序詩八自壬申至丙子六十三首

碑銘

卷一 詩一自丙子至辛未六十一首

卷二 詩一居津不詳干支者二十八首

卷三 詩二居津自庚寅至辛丑六十七首

卷四 詩三以下出仕自壬寅至癸丑百三首

卷五 詩四自甲寅至丁未五十五首

卷六 詩五自庚申至癸亥六十五首

卷七 詩六以下出仕自壬寅至癸丑百三首

詩四自甲寅至己未五十五首

卷五 三以不出於自壬寅至癸亥百三首

詩五自庚申至癸亥九十首

卷六 二以自庚申至辛巳六十首

詩六自甲子至丁卯四十五首

卷七 一以自庚申至辛巳二十八首

詩七自戊辰至辛未六十一首

卷八

詩八自壬申至丙子九十三首

卷九 餘目錄

文一記序凡二十首

卷十 論說祭文誌傳行狀揭示擬檄凡十三首

文二論說祭文誌傳行狀揭示擬檄凡十三首

卷十一 題跋書牘頌贊銘凡三十四首附跋

文三題跋書牘頌贊銘凡三十四首附跋

別錄卷一 在津紀事上

別錄卷二 在津紀事下

別錄卷三 在津紀事下

別錄卷四 在津紀事下

別錄卷五 在津紀事下

師友志附行狀

附錄一卷

新甫遺詩墓碣代序

嗚呼是先君子春水先生遺稿也先君豈欲以詩文自見者哉而今校而刊之謀傳之家垂於不朽者襄等之志也爲卷詩八文三別錄三附錄一總十五卷蓋先君學主踐履不務著述而刑家施國備有條理可觀至說經君前必齋戒念誦而後進明鬯洞達粲然成章此皆平生文章不必待操觚削牘而後見之而獻替之施

於簡冊者每用國字又秘不漏故文存稿者甚少而先君之文固不止於此也至於詩其所嗜好以代茗酒絲竹者不求工巧不屑彫琢故篇什殊夥今編之不復分體隨其年月干支之下略注出處履歷以代年譜其間思君念親隨觸而發者層見疊出收之不避重複子孫讀者當亦以此爲心先君友愛兄弟互爲師友而重交道篤友誼今附二叔唱和以見湛樂之情所以垂範於各家後昆其附諸賢之作者又欲爲後人者觀父祖齒列天下名賢不敢自輕以污家

聲也師友志在津紀事足見交游之槩本當別
行顧以卷冊不多故收為別錄以防散佚又可
與集內姓名參照焉至如負劍引翼諸編皆係
少作素意不必存者及應命手筆藩士大夫碑
誌侍宴課題應副之詩無甚關係又係子弟代
作者皆不收大凡原稿先君手錄者雖篋篋所
私棄語苟涉君上者皆提頭揭書今刊本自
有體例略加酌量附錄為亡從弟新甫遺詩新
甫為先君子養代襄勤勞才敏善吟而卒夭折
不能繼志効報不忍使其泯沒故併刊與先君

並傳云壬午孟冬不肖襄謹識于平安客居

凡闕字等例集首序及碑文從略集尾跋及行
狀從詳並異於集內集內蓋亦有炤管不及者
未暇正也後觀者諒焉

南軒吾所愛客至每忘歸藤架多涼露風吹濕葛衣
南軒秋夕偶書
未必秋風銷旅魂吾情不易向人言山晴爽氣遙來
座雨過斜陽半入軒因志道深身獨健為思鄉切夢
還繁海烟千里茫無際屢寫平安寄故園
渺茫蒼海夕陽橫寒雨初晴且眼明親舍雲邊傷暮
色客居江上送秋聲未傳音信風無賴為寄愁心月
有情獨坐西窓誰與語蘆荻洲上水禽鳴

得家書寄松萬二弟

疎郵宗十牒 答

鴻信併封詩數篇開緘情緒轉綿綿無如遊子萍蹤

日正是衰親華髮年一點挑燈愁易結五更擊柝夢
難圓江城寒劇尤堪憶共護衾裯侍膝邊

歸鄉口號

北風吹樹一悽愴遊子偶然歸故鄉屋上青山堆墜
葉忍看先母墓邊霜
隔歲歸來罄舊歡月明深照竹欄干幾回吾向名區
賞那若家尊膝下看

春園玉江橋春望贈葛子琴

玉江乘霽好從容水映長橋淑景濃侯邸古松濤陣
陣市樓春柳翠重重雲邊塔影天王寺海上嵐光佛

母峰莫道村郊青可蹈不如此處植吟筇

王天心存早起

春園幽趣少人知最是曙鐘眠起時新綠樹陰多鳥

語晴簷案上讀唐詩

開嵯峨雅集時上巳後一日也

春風滿席酒杯馨緇素相逢大堰汀臨檻初陽山色

白映窓新漲水光青引霞花照栖霞觀呼兩鳩歸時

兩亭觴詠將追昨遊興愁看烟霧晚冥冥

五月十五日大集某寺書院同觀諸家所藏古

書畫馬邵卿之舉也

梵王宮是米家船玉躩金題爛四筵幾幅留心品神
逸一朝過眼錄雲烟風流歷鑒古今伎氣格細分南
北禪會散惘然何所似邯鄲枕上夢遊年

留宿海福院 妙心寺子院時院生他適

移錫何時別一邱許吾空院任淹留並鄰僧侶曾相
識當戶猶兒不敢尤密樹晝陰涼氣足疎鐘暮濕雨
聲幽慣看屏障名山水盡日消閑好卧遊

日漲水亭禱興

江天月黑水烟橫凭檻長吟夜幾更不識何人同未
睡前洲時有舉罾聲

愛日園集得魚韻

名園高興定何如戀賞同停長者車
嬌鳥催杯送斜日飛花點水撲游魚
巷深夜柝聲時徹窓淺春星影
不疎綺席幾回能醉客使吾欲去每躊躇

除夕

連年未得卜歸期此夕寒燈轉自悲
二弟聯吟應徹曉篇篇多是憶兄詩

小埜道風

非有野狂存典刑江談抄小埜篁為人
不為當世所容忌其才者呼為野
狂以篁狂音相通也故篁有諳作埜
人天與性自甘狂宦世呼名之句
葛絃何處得寧

馨

三代實錄篁子葛絃生二子好古道風

雲烟神護宮門榜

著聞集帝最愛其書

及造醜翻寺使書扁榜其

欵識人稱鐘鼎銘

澄寺鐘

銘即道風所草隸美名傳漢土

畧記帝命書行草法帖各一本使僧寬建

持而往唐蓋欲播其美於異邦也

祖孫麗藻揆天庭誰嗔二豎妨妍

捷鞞曳擅奇書更靈

著聞集晚病中風而手顫所書彌生奇體

襄曰詠史篇篇皆非無據者而此獨詳所出蓋為自注故仍舊存錄

妓王

專寵春風侍相臺嚶嚶呼友出幽來
新鷺連日絃歌湧明月未秋紈扇哀
奉命寧堪陪宴席逃禪不復惹塵埃
西山地僻風霜重宮草終同埜草摧

小督

密傳鳳詔重求凰
半夜荒郊何處鄉
寶馬不嘶風細細
瑤琴有響月蒼蒼
非酬錦字三春恨
聊贈羅衣當日香
玉笛君休和舊調
西山搖落謝君王

萬里小路藤房

妖祲方銷天日開
翠華一自海西回
不留騏驥稱千里
已卜梗楠是大材
晦跡浮雲斷消息
指心明鏡絕塵埃
怪君雲水桂冠去
板蕩誰期補衮才

足利義滿

長者當年漫自誇
林垌補敝極豪華
秋明鹿苑空門

樹春滿牛車馳道花
西域紫泥欺日月
北山金榭卧烟霞
若非權勢與時會
安得治網歸一家

南遊紀行六章章八句

結伴欲何之
維南國之紀和歌
與高野山水稱洵美
山店問前程
狃客多澆詭
躋攀九折嶮
僧房可雨倚
田士德要予及其姪
西善二無山人十月七日早
發取路於界府稍東二里抵福松村過三日市宿望
紀嶺為山驛望雨衣而出皆山徑野路左見一
泉石可奇地名狹瀧云抵橋下有渡紀水也渡之則
為三間屋村命輿抵鐘鑄村憩茶店玉屋路亦漸峻
有橋有棧不動坂尤峻松檜雜霜樹青紅紛然坂盡
有堂稍平到女人堂始平衍婦女之上高埜此堂為
限不得究其奧也門閣相臨汛掃整然大道康衢無
復山椒之望投林昌院街
樅檜相蔽虧殿閣氛霧陰
衢以谷呼院屬小田原谷

門表侯家號閔耀復何心無塚不疑塚尊卑認古今
 佛燈傳萬點山深趣未深九日院主為導抵與院乃開士空海之影寢也道之
左右塚墓蠹蠹皆貴賤祈冥福之為其係侯家者石崇數丈其為夸具乎所謂無功德者非邪玉川乃路傍小渠也與院前有橋有堂其水可揭橋名御廟俗誤無明堂置万燈廿四寺更番守之環影寢松檜翁鬱見二樹一則柳身松枝葉一則松身柳枝葉也世稱蛇柳者則枯既久云還寺而飯至大門塔閣祠宇極壯麗蓋自大門至影寢三十町許此間商賈倚寺而廬成屋所謂寄附舖也大門為前門不動坂為後門出大門亦有女人堂事危嶮下花坂何圖吾僕痛與後門同路亦嶮曰花坂
 不論搖兀患肩輿後山夫紀水劃田莖俯瞰噍心蕪
 登路知何處沒在白雲衢慈下矢立村命與歷數村下慈尊院投民舍皆山徑無
 亭一憩誰識溯游快整棹下慈尊山影有將迎空翠落

潺湲最愛階丘樹垂蘿坐可援棹歌歌未闕行樹到
 城門夜戒舟十日解纜即再昨所渡之下流右望粉河寺到岩手景境佳絕水亦稍淵渟游魚可數
舟子謂有官禁人不得漫數畧官以時漁 輒必得鯉皆盈尺或得赤鯉哺達紀府 夾道行松
 老一一露盤根大道砥且矢蹈月投漁村神祠紫翠
 裡朝暉晃潮痕浦淑玉津島海色蕩唵魂過府見露根松大為
奇觀暮投和歌浦夜出于浦把酒步月松籟潮響可愛十一日造神祠沿浦過玉津島祠負山山曰伽羅山山石有木理浦口有閣架海灣彌望水鳥聚散紀三井寺前聳實勝地也命舟到彼岸以上則併所經歷鹽場海島皆在一瞬下山道于田笠其兩兩復渡紀水即昨所舍舟處望根來山於良位
 何妨有山隨意步水烟滿河汀有鸛雜鳧鷺山驛未
 夕投聞雞肩晨霧輿卒報里名時過碧葬墓行里許稍稍就

山憩山口驛登坂宿山中驛夜雨十二日雨休味爽
而發渡水入村為堰井里有古塚輿夫謂左為淡輪
某右為塙某蓋元和之後為吾淺塹氏所蹶者也抵
貝塚大津路濱于海海沙沒脛松樹成林過界府三
里暮
歸家

和河怨齋聽雨見寄

無衣誰見憫窓雨欲侵衫丈室蘭堪伴尺階草未芟
身占娘嬛福口學金人緘犧易窺精靜葩經辨決瀕
優遊師聖哲造詣出塵凡換骨非丹藥直躬如碧杉
詞源殊涇渭經術護峭函常慮三損有期成一德咸
鶉衣豈懷璧羊質奈多瑛交際觀疎密世情調淡鹹
書知劍器舞達笑漁陽摻若處括囊靜那招銷骨誦

刷翅同病鶴避罟類飛甕古瑟寡成和巧簧誰聖讒
葆光翳皜皜弢迹剗嶮嶮甘脆人將餌幽間我所饒
茗泉兼月掬杯酒泛花銜麗日青俱蹈恬風衣可帆
論心知說勦聚首愧言儻志操唯君識青天白雪巖

重用原韻呈恕齋

廳舍終宵兩端居淚濕衫淳風期鑄冶赦政憚夷莖
買積機宜見彈冠語叵絨誰歌已而殆未誦美哉風
見自分胡越知非隔聖凡行將焚筆硯欲去卧松杉
蠹帙終將理牛刀或可函辭堪倣陶令播肯學王咸
群自占雞鶴潤曾辨玉瑛同交君子水異嗜小人鹹

淇澳追遺響滄浪和變慘面朋孰孰敲心契曷詰誦
灌木嚶嚶鳥畏塗趨趨兔隱情逃咎譽宦况足謗讒
社鼠巢方固冥鴻氣獨嶢文章餘己力功利笑他饒
間好同燈燭官須脫轡銜西山采其蕨東海與誰帆
陋巷耽瓢飲重圍避鼓僂若非孫嗽石應合田游巖
春夜聽雨寄賴千秋二十韻

河子龍

憶子空齋卧輕寒春雨衫階苔從日厚庭草豈須
芟酒態悶堪遣詩懷愁或緘繙經窺噩噩學雅誦
淪淪振韻已離俗秉心本不凡夙齡賤楓柳貞質

比筠杉趙壁方藏積吳鉤肯出函世人襲瓦礫里
耳笑英咸寧復亂朱紫安能別玉瑛神情辨甘苦
嗜好異酸鹹殊調眼空白同盟臂可摻但應恬默
默那用語誦誦秣羨游冥翼偏嗟竄草兔既知啄
雉樂胡畏營蠅讒長揖風俱遠高蹤石更嶢道腴
當每嚼膾仕又何饒達觀解弢裘逸才脫羈銜文
瀾誰鼓擢學海正張帆悅目匪脩嫖飾躬惡儼儼
行藏原自在未必隱雲巖
再和千秋疊韻見寄河子龍
方有悠悠思青青者子衫雲陰今忽濯茅塞蚤將

卷之四
七
芟考伐音從發嚶鳴口豈緘文雕上世樸詩應中
聲泐健筆前無敵雄篇何比凡秀如千尺竹森似
萬挺杉埋照劔藏匣拭塵鏡出函仕優蓮幕儉賢
讓竹林咸寧碎須為玉縱全不欲城自知難冷暖
擇術在酸鹹善事器宜利巧縫手亦摻苟無予德
愆奚恤衆言誦才戒便儇狙技窮聯掾冕括囊雖
遠咎網錦敢憂讒處物當先巽矯情勿太巉詎知
金馬隱可嗤終南饒筆陣蛇驚草吟鋒驥脫銜論
交共魚水閱世若風帆俊語鼓君壯徽音砒我儂
且休拘形迹心賞即招巖

伯潛千秋有春夜聽雨唱酬四首韻險而意穩
字艱而情暢可謂兩大作家予時客洛攝覽而
悅之聊效其顰以述客懷

藪慙

偶聽簷外雨偏濕客中衫孤夢終難續窮愁不可
芟枕從初夜側書向故園緘嗟我追吳札觀風辨
魏風望洋知量窄求藥覺胎凡煙閣連千屋雲山
入萬杉鳥巢雖戀越牛背已踰函舊識多年得新
朋四海咸逢鵬羞斥鷃對玉笑頑城千里仍重繭
三殮只苦鹹孤琴流水寫雙袂故人摻出國鷲猶

澁經時燕已誦自甘寒似鴛不願狡同鳧洛土仍
淹滯中山絕謗讒鴨川臨淺淺逢坂度巉巉陶徑
何時掃馮魚幾日饒辭因歸去就杯爲興來銜祖
道飛驪曲滄溟掛雪帆千秋尊道重一日恐躬僂
夢寐先賢事行行問傅巖

余寓浪華河伯潛有詩寄家兄家兄和之已而

余歸鄉疊韻寄伯潛

阿松 春風幼名

鄉園春已暮歸卧脫征衫埋逕花慵掃補籬棘欲
芟人來驚午枕書至剝鱗緘諄誨何精懇雅音亦
美渢寸心違左右兩地隔仙凡新著施梨棗高標

聳檜杉金蘭曾列簿雲錦忽盈函一日應三復千
年聞大咸君藏懷裏玉世街市間瑛吟興忘榮辱
交情辨淡鹹蜚聲誰可逐秀色正堪摻佳士多儔
侶俗儒聒詁誦韓文感二鳥素筆麤千兔獻賦陳
規諫立言去謗讒江涵量浩浩山峙才巉巉風月
游相伴林泉勝共饒長波東海阻落日半峰銜擬
往探屨窟無由駕鸞帆何時頑骨換平日薄躬僂
顧盼叨存問寄詩污電巖
家大哥寄示河怨齋聽雨唱和作依韻奉答

春風幼名

阿萬

春草幼名

夜雨春窓冷遙思客裡衫孤燈君誦讀舊圃我鋤
 芟夫志終難抑幽懷不可緘詞林誰鬱鬱學海徒
 颯颯達士依天啓真人隔世凡憑凌超海翼矗立
 挿天杉雲送書千里錦開詩一函律知唐製特和
 愧巴人咸養晦龍雖蟻家兄時號蟻巷放光玉豈瑛文壇
 浪華粲齷戶竹原鹹竹原人多造塩為業獨步筇空倚單行
 祛未摻純精甘默默佻巧惡誦誦寧作一邱貉不
 為三窟免連枝謝榮達同轍避囂讒周道常由坦
 蜀山深畏嶮世情爭險躁家訓戒貪饒姜被留鶯
 語萊衣護燕銜春風遲命駕曉夢見歸帆已有嚴

君健應憐小弟僂鄉餐亦無憶楊柳釣魚巖

出河怨齋宅集落花聯句二十韻

春深春可賦春水日永日相依美景憐移席岡元鳳

艷陽看映扉畫牆翻蜨舞左鳳粉壁誤鶯飛皴白美

人老河子龍臉紅孃子肥重茵朝刺綉葛張輕幕午

為圍苔蘚荒庭錦春水鑑池滿架衣風狂香遠近岡

烟暖影依稀點綴鞦韆索左輕盈羅縠幃砌陰使春

住河簷角借霞輝蹈雲逕無跡葛摘星袖有緋戲禽

相上下春水垂箔轉霏微鐘度諸天雨岡遂颺曲浦

暉臙脂浮水面左墜粉拂琴徽撥鼻乍簾動河簪頭

秃筆揮痴奴眠未掃岡冠者詠應歸步障珊瑚碎葛

移欄帶帶菲氤氲可奪春水歷亂蹟何晞迎月仙

姿現左停雲騷思霏東君辭地主河西魄泣宮妃流

水簸芳處葛賞心期不違春水

烈公西海表備前故少將興學鬱雄藩泮宮實創造

大侯國之諡為芳烈公孝德揚前政之資性孝友造先侯木主專

學莫先焉動左右又錄封內孝弟風威激後昆允文諭士習赴

力田者賜予旌表之武出儒門位望隆寰宇名聲至帝閣稍看僧侶化非

獨薄夫敦闢異知時弊公毀封內淫祠萬餘區修成

正祠七十餘區且有異端害

風教之說付會約後時僧侶脫緇衣而歸化亦頗多

矣公權時宜聞之縣官令社司監邪蘇以錄版簿

敬天窮道原學規朱子教府學課目有每月朔行履

董生言語公恒愛董子義利道功之受諫閭閻公嘗

於城門受諫草置師山野邱設學舍於里開各蘋繁

和意谷封內遂親卜和意谷改葬之詔渡輔仁軒

軒即學之松籟傳雲外蘭芳散雨痕各植蘭菊松槐

舍皆以所植名若松早澇皆警我承應甲子封內旱

惕若自反曰是天警我也乃散四萬金於民又草木

有社會儲麥等之備賙急救厄無所不屈云

一沾恩至善斐君子于今不可諼

表曰此卷附錄諸先生及二叔唱和署姓名若幼

一古恩至善斐然于今不刊
 謝自天曰吳天聖初年
 會以代鼓為鼓
 早徵督督
 承應甲子徒內早
 各誄蘭
 學舍婚
 味意谷
 依門受
 重主言
 天寶
 春水遺稿卷一終

春水遺稿卷二

藝藩 賴惟完千秋 著

詩一
 正庚寅
 逢阪次韻平紀宗

為明和七年君年二十五在大坂從亨翁君東遊奧羽經越信而歸坂以下十二首係東遊作

山關水驛路三千濟勝不妨梅雨
 天預識秋風搖落
 夕相思時在白河邊
 大宛掛川始望嶽
 不問知不二群山絡繹間未必高峭拔孤峯雪麕斑

大成殿
大成開巨殿輪奐照無窮
黍稷馨天德蘋蘩薦聖功
因觀黌宇壯增信
霸圖雄政化歸仁厚
淳曄名不空

江戸寄弟

五十三亭入武州關山無恙此淹留
插天富嶽芙蓉
粲抱海鎌倉草樹愁攬勝時多思
弟過安眠夜識奉親遊更將奧羽窮
幽討為報歸裝帶早秋

發江戸

早辭江戸理裝輕更向日光新起程
一路薰風三十

里杜鵑無數逼人鳴

古河

輿馬朝來發古河行聽里婦采桑歌
平田極目茫無際天末青螺得筑波

壺碑

碑記行程分幾條讀來偏嘆去京遙
云是一千五百里何人能不旅魂銷

松島

一碧琉璃澹不波平灣無數點青螺
月明宛似龍燈出分付光輝夜色多

象瀉

象瀉洲灣鏡面明輕風一棹浪無聲蓬窓喜有曾遊
客指點九十九島名

早發出雲崎

遊子曉天貪路程葛衫一領魁身輕晨行祇合乘涼
去午憩何能犯熱行風送鐘聲認溪寺烟分海色辨
津城數旬無雨炎氛劇堪見雲峯滿日橫

發柏崎

賴有早行快勝遊甘暑天半橋殘霧外孤鳴斷雲前
山驛終無輦海村時有舩預知今日熱日上起焦烟

鹽尻嶺望嶽

南去看已熟北來望不差宛然無面背天半玉蓮花

癸巳

為安永二年在大坂移寓江戸港秋歸省鄉

歸省阻風矢嶋五首

挑燈欹枕已三更雨撲篷窓終夜鳴近隔一洲知有
寺風聲不濫送鐘聲

數歲出鄉家浪華省親歸去怕期差誰知阻雨篷窓
夢半在鄉園半在家

無如風雨阻舟行五日何看半日晴不解篙師多忌
諱頻頻却要問前程

連日卜晴多已非津頭暮色望依依輕鷗似慰阻風
意為傍船窓狎客飛

歸浪華客舍作

秋風千里却歸家省罷庭闈思浪華憐看苔階間若
故待吾黃綻橐吾花

丙申

在大坂二月省鄉賀亨翁君七十壽四月歸寓是歲亨翁挈杏坪遊高角

大仁村

以下十首係歸省作

村郊取意行未可卜陰晴麥隴蒼茫裏警人一雉鳴
翠黛淡濃山四圍海彷彿湖景澹春暉帆當島樹晴光

登三原妙正寺二首

近烟合鹽田晚色微長者風流開淨域騷人興趣屬

禪扉按圖佗日空相想登眺初知夢寐非

尋來寶刹到岩堯過市還疑絕市囂樹竹鬱葱籠海

郭雲嵐搖曳鎖山寮豫峰當座夏看雪豐水通津宵

聽潮流峙催詩爭獻勝幾人吟思不堪饒

題宇都宮士龍潮鳴館

看君為政與心閒館在城隅負海灣庭樹陰森連郭
樹假山嶽岼接名山麗譙隔水斜陽映遠嶺入窓明
月還深坐慣聞潮作雨寒聲時瀉几筵間

辭竹原東上弟千齡與諸子送至小梨村

梅天百里有前程溪上離杯惜未傾把臂綢繆言不
盡殷勤別意付蛙鳴

樹同同管禮卿訪西山士雅途上

沿涉相携去路回天草池彩幡新樹寺華表古松祠

鷄黍非為約琴書自有期誰知求友意已有墊禽知

結伴乘晴去看山步水湄曉雲初自褪昨雨未全痴

隔竹逢秧馬過橋認酒旗相携行且語還覺得詩遲

山若曲屏風蹊從谷底通樵夫將收豎知人詣學宮

一水十餘涉溪喧物自閒地開巖宇肅萬疊四圍山

自兵庫入浪華

海濱多市聚多是杜康家酒氣薰風路時時逢麴車

杖履敲門見這翁笑呼杯酒倚簾櫳阿戎幾歲玄談

熟磊落今知是父風

題兼好讀書圖

避俗山邱花繞家生知閱得有無涯半夜燈前足尚

友幽窓聽雨讀南華

丁酉在大坂正月省鄉

春水遺稿卷二

四

丁月夜河伯潛宅同用木字

主人庭上鬱花木復見藥欄栽細菊春花秋菊堪悅
目埜情呼做讀書屋西風既覺黃花馥主人采采香
幾斛月輪圓處酒亦熟留賓吟筵輕金谷座足山穀
與埜藪轟飲燭跋且更僕盞學相勸如推轂何須人
間絲竹肉

戊戌

在大坂春邀亨翁君與春風奉遊芳埜又從入京秋省鄉

寄家君及弟千祺

扶老將探勝芳山久有期裁書寄風便檢曆計花時
鳩杖翁應健奚囊弟可隨分明昨夜夢堂上拜厯眉

新歲出郭

名區占花候理得旅裝輕瓢酒齋童巾籃輿聯弟兄
山光如有待鳥語豈無情誰識吾心樂春風扶老行

吾三到土田

春風催客撫年華當馬亂峰烟若紗識得芳山春色
午村園處處見櫻花

不嚴如意輪寺

隔谷園陵通路蹊一間茅屋古招提莓苔無意磨履
過芳樹關心禽鳥啼天下大猶空落日人間遺恨挂
殘霓賞花到此幽深處春色還令客慘悽

數費宿竹內
自乘連日晴
遂此看花情
恰好下山後
枕頭聞雨聲

不過平紀宗
既歷幾春冬
喬木猶巢鶻
穉松多作龍
沈吟鳥聲換
深坐翠光重
何忍歸鑣去
引杯聽暮鐘

吾三遊湖上
所望每覺殊
陰晴恣瞻眺
遠近足遊娛
舊館人亡恙
酒食隨所需
前山歷春火
新翠接綠蕪
捲簾引燕子
下階弄鳧雛
石山半夜雨
不得就歸途
陪親共眠食
此遊天所予
留宿復何妨
身無朱紫紆

漸覺興味熟
全家住畫圖
共喜對烟雨
豈慮踏泥塗
何以酬佳景
携來酒盈壺
湖鱗極肥美
獻艦倚欄呼
取適醉醒間
偃蹇對平湖
寄言蓑笠者
莫道非吾徒

己亥 在大坂二月省鄉十一月娶飯岡氏君時年三十四

開歲作

初日纔臨處
故山遙拜時
懸弧徒有志
衣錦不曾期
盆卉隨新曆
江梅足舊知
椒花聊自祝
爲誦陟岵詞

歸省東還四首

裨海何須畏
扁舟載夢行
枕頭鷄犬近
時聞卸帆聲
菜花分藝備
松籟踰二關
極嶺乃西顧
何處辨故山

樵斧松邊路棉弓花下家行聞老農語晴雨屬桑麻
植杖有花處投宿有花家春風三十日日日不離花

子明子琴見訪留酌綴長短句

開軒邀明月月與賓並臨牀上一樽酒賓取月併斟
人得月歡歡何已月待人明豈月心十三十四夜夜
看看到今夜賞何深有月有酒堪永夕况乃冰心朋
盍簪一樽既倒月在高林詩既成否月將欲沈復賒
一樽吾錢月月落空留明月吟

浴城崎溫泉四首

火脉通潮脉釀成鬻沸泉人皆遠方至効見宿痾痊

誰識秋深日還同春暮天更將灌注巧取適意陶然
海灣行欲盡徑路復羊腸溪圃條桑短山田穫稻長
有崖崩昨雨無樹不秋霜將向村居宿前峯逗夕陽
一嶺封疆別停輿吟瞰新忽來前度路如遇舊知人
里號雖無記山容獨有親已看霜樹美日氣媚嶙峋
蓐食星言駕不妨行露繁看山頻佇立瞻宇載欣奔
童子求吟草鄰人送酒罇歸來聊志喜幽意向誰論
熊府教授藪士厚茂次郎奉藩命選封內詩名曰
樂洋集以上梓之事托余周旋數月而成士厚
贈余生縑執政堀君綽平太左衛門亦寄書見謝賦

此寄答

大國政教淳風俗稱維新洋洋何遺響言皆二雅真
廣和引商羽相歡足臣鄰堪充太師采刪正俟其人
吳札竟何在無復觀國賓木鐸付梨棗經紀向我詢
鳩工且僦功誰謂糜精神數子其盟主掘君國大臣
酬我兩段縑文彩耻纏身不私侯家賜以半遺老親
親曰陪群老宛醉泮水濱我亦隨群俊恍同舞雩春
非與修盛業安得悅親純春風數拂拭不肯染緇塵

庚子

在大坂邀亨翁君夫妻奉入京九月省鄉十
二月生襄

歲首口占六首

經營斗升水聊搗一團春擬寄春風便賀正家大人
一歲多一歲拜年人滿堂妻諳我寒素吉貝製衣裳
家君健如此獨奈北堂亾手澤吟箋在使妻朝拜堂
叔也病全愈斑衣足笑歡遙知春酒宴無恙舊團欒
不用五辛盤研山涵壽色珍重小玲瓏昨自天橋得
砵岸溶溶水颺簾纈纈風先生莞爾坐日照讀書櫳

歸省上路

一望西郊潤雨晴爽氣澄山光挹朝翠楚色占秋登
岐路逢僧問輕航與犢乘誰知歸思切遙指白雲層

須磨十三夜

陰雨關心十里程秋風遊子覲親情月明期得須磨
浦正值海天今夜晴
海色蒼蒼晚霧收一輪明月出滄洲此時胸宇兼天
宇豁達詞人筆下秋

歸客幽期終不違須磨浦上粲晴輝金波万頃秋風
裡多少舟帆載月飛
竹車終日雨油幕一區天春相過村落鍛聲入市
輿夫貪阿堵驛使頗周旋坐續前宵夢悠然且作眠
鷄鳴鞭馬去殘月送鐘聲樹暗人呼渡山遙鳩報晴

吟情易成趣旅况預期程朝景殊堪愛薪烟處處橫

曉望

何人潑墨墨淋漓畫出海山將曙時一望無波潮水
湛連峯絕處輾紅曦

記漁翁言

誰識漁翁壽且福一櫓片篷是吾屋少小嗜酒未曾
醒請君看取我頭禿頭禿齒豁何足病形體極醜我
心淨雖有魚稅薄於紙不知田野有苛政誰識漁翁
壽且康風餐露宿八十霜棘鬣千頭何所利都釀一
鎗米一囊君買我魚價不論我飲君酒是何恩縱無

德色寧無報尺餘河豚聊充殮好去潮候入前灣吾亦鷗鷺待吾還扣舷而去呼不答柔櫓聲遠夕陽山

辛丑

為天明元年在太坂五月夫妻挈襄西謁亨翁君遂觀藝防諸勝而東還十二月本藩

召擢儒職時年三十六

李夏携家上船賦此志喜

携家遥省覲七十五家尊薰吹從茅海浦帆指竹原

江山真有待晴雨不須論預識高堂寡新歡在見孫

雖愛雲光薄尚知嵐氣透穿林觀瀑布度嶺遇磨麿

松偃堪為棧巖懸自作家樵童華表外拍手喚神鴉

觀錦帶橋

五條連作一長條錦帶高懸到紫霄不見相如題去

柱惟知織女度來橋雌雄截兩虹霓接斷續受風鳥

鵲飄儘怪人行搖未墜青山相對水迢迢

得齋藤孟翼書及詩詩意跌蕩非復前日氣象

余慮其往而不復賦此寄答

倘把人生作戲場不知何處著綱常君子所難唯踐

履眼前正路一條長

紙帳

冬月兄弟侍家君為製紙帳畫以梅花方一

弓半一面為開闔以便出入禦風至密而其
內明朗

寧同錦被有奇溫堪比陽摺負午暄鶯語枕頭天易
曙雪花窓底日難昏暗香不散籠梅氣淡影相隨印
月痕七十老翁眠思穩人間占得別乾坤

聞千秋奉檄有此寄菅茶山先生

潔身何必在邱樊趨舍隨時樂事存休為微嫌徒
躑躅十年短檠也君恩

春水遺稿卷二終

